

BIBLIOTEKA

Zakł. Nar. Im. Ossolińskich


XVI


258



Hours of
Leisure

Long





28.

32

639

SUPERSTES
FAMMA,

Post obitum Perillustreis &
Admodum Reuerendi Domini D.

ANDREÆ TARŁO;

*Canonici olim Cracouiensis, Præpositi Tarno-
uiensis, Decani Opatouiensis.*

Ex factis, ac meritis vitæ suæ pulcherrimis,
& præstantissimis concinnata,



A

IOANNE BVIAKOWIC,

*Art: & Philosophiæ Baccalaureo, debitæ
pietatis ergo consecrata.*

CRACOVIA;

In Officina Martini Philipowski.

1.765

quidū animi studium provocauit? ut quacunq; possem (quam scio esse non usq; adeo luminosam) simplicis eloquentiæ faculā funus hoc peramplum, luctuosamq; actus vniuersi faciem pro virili collustrarem. Verū id quoq; minimè obscurum esse potest. Vnica enim alumni in Patronum, Clientis in Mæcenatem pietas & obseruantia, hæc facillime conscio alioqui suæ imbecillitatis animo & ingenio, non grauatim persuasere. Debitus inquam cultus, debita in Patronum obsequentissimæ voluntatis significatio, summaq; vitæ ac tot virtutum dignitas & prærogatiua, hæc inquam non ægrè animo impares lacertos libenter recognoscen-
ti, hoc non iniucundi munus oneris imposuerunt. Quocirca tantò paratiorem me apud Perillustres & Admodum Reuerendas & Magnificas Dominationes vestras excusationem consequuturum confido; quantò minus candor genuinæ pietatis, præsertim cum doloris angustię premunt animum, sententiosos orationis queritatus apparatus.: Equidem hoc mihi est in votis primarium, ut veriore quam ornatore dictionis meæ opellam quisq; arbitretur, Quod si ipsam etiam veritatem non quo par est ordine ac serie, sub conspectum vestrum produxero, in eo adolescentili ignorantie ignoscere percipio, rerumq; magnitudini prope infinitæ.

Perillust: & Adm: Reuerendarum DD. vestrarum

Addictissimus Client & seruus

Ioannes Buiakowic, Art: & Phil: Bacc

SUPERSTES

F A M A.

SVpreum vt à magno vocatur Aurelio
humanitatis officium, venerandæ exui-
arum mortalitati Perillustri & Admodum R.
Domini, ANDREÆ TARLO, Canoni-
ci olim Cracouiensis, Decani Opatouiensis, per
quàm libenter impendimus, Perillustres, Ma-
gnifici, Ornatissimi Hospites. Neque ta-
men sine iusto & graui dolore in hoc tam san-
cto debitæ pietatis versamur obsequio. Dole-
mus enim extinctum tantum Patrem, cuius o-
bitum, & auulsionem ab hac vita peracerbã
vt Parentis desideratissimi, quæuis illarum Ec-
clesiarum, quarum pars maxima fuerat, quibus
non minùs profuerat quàm præfuerat, vera &
magna animi mæstitiã videtur complorare:
tantò magis, quantò singulæ clariùs, singula-
rem vitæ illius, consensu vnanimi recognoscunt
conuersationem, ac promeritorum in se benefi-
centissi-

centissimam largitatem. Quocirca diem luctus & mæroris agunt plenissimum, quo violentiâ præuaricationis protoplasti pridem inuenta, infensissima mortalium generi crudelitas, visquæ fati peracerba, parcens nemini, excorona Perillustres Capituli Cracouiensis, tantarum virtutum, tantorum in Ecclesia, pro Ecclesia Dei laborum & functionum, toto regno & multis aliis commendatissima odorisque sacri plenissima, florem lectissimum; ætate quidem iam benè maturum, totque factorum pro laude Dei, diffusis circumquaque fragrantem odoribus, tandem imperat succisum marcescere, diem horrore plenum expectando. Quid ergo plerique omnes tristissimo percussi exanimis fati spectaculo stupefcemus? plerique Patris desideratissimi sublatum è viuis lumen, mærentes, taciturni, deiecti plorabimus? At non eo fortasse animo, & studio, ad hunc diem, huc Perillustres & Magnifici Domini confluxistis, ut dolorem tantummodo, ex obitu Perillustres viri susceptum, mutuo contestaremini, quin etiam in
eo ve-

eo vestrum studium versatur sanctissimè, vt spiritus & animus, qui ex hoc ergastulo emigravit pijs Ecclesiæ sanctæ adiutus suffragijs, sacrosanctisque sacrificijs, sicubi adhuc propter iudicia Domini seuerissima expurgetur quantocius adauctus, conformatus, spirituum beatissimorū infinitis myriadibus possit sociari. Faxit Deus optimus maximus, vt sanctissimæ vestræ in defunctum cogitationes, atque omnis opera sollicitè suscepta de animæ salute, (quod maxime Perillustres Pater exoptabat) vberimos Diuinarum gratiarum, & benedictionis fontes experiatur copiosissimè reclusos referatos. Meorum verò partium, & affectus obsequentissimi in Perillustrem olim Patrem, quod mnemosynō extabit luculentum? quæ opella non ingrata, supremi istius elucescet obsequij? quod perpetuū cultus & obseruantia transmittetur ad posteritatem argumentum? Profectò si parum mærent animo, dolor quiuis acerbior verborum ad dicendum suggerit, omnem vim, & partes ingenij, rubiginis instar corrodens ac prosterbens im-

potentiùs, meæ quoque imbecillitati, in suscepto non improbandi officij negotio, ignosci à quouis vestrum poterit, si quæ in commemoratione, virtutum illustrium, Perillustris viri dicenda esse, hoc tempore arbitror, omnia nudè, simpliciter, ac sine vlllo apparatu eloquentiæ magnifico, vere tamen ipsius propria ad conseruandã tanti viri memoriam protulero : Enimuero illud in votis erat mihi primarium, vr superstiti potius, primo quoque tempore, promeritorum suorum manipulum, rudi & imperitâ meâ oratione, suaque verius vitæ laudabilis sanctimonia colligatum, sibi que dicatum legisset, acceptasset. Illud tamen minus tum licuisse vel ætatis meæ immaturum ad dicendum iudicium, vel hæc ipsa Diuinæ voluntatis meta ac terminus, qui præteriri non possunt, assignatus meam excuset voluntatem. Nunc verò si quid dicendo præstare possim, quod sentio quam sit exiguum, nihil exaggerando, ad vitæ illius puncta, quædam luculentioris gloriæ solidiorisque pleniora, orationis genere perstringam breuissimè. Non, eo inficias,

tias, non satis excusari posse eos, qui vitas Illustrium virorum in morte ipsa strictius pervolantes, res multorum annorum gestas præclarissime, intra aliquot paginarum angustias redigunt, fore satis arbitrati, si punctis istis, & alueis tam exiguis, immensum vitæ vniuersæ pulcherrimorum factorum pelagus contineatur. Mihi tamen noxa hæc tanti non erit, qui pulcherrimas vitæ integerrimæ partes perferrem latissimè, si omni ex parte facultas voluntati responderet: Nec tamen ex oculati laudatoris nomine audire velim, qui quocunque ferat impetus allidit in cautior, quin potius ea quæ sim dicturus, ita ordinarbo, vt primo loco splendorem generis, verbis attingam paucissimis, vt rem omnium manifestissimam, secundo loco, primæ ætatis admirationis plena documenta commemorem, tertio vitæ sanctioris, qualis est sacerdotij sanctimoniam, actus quæ, eadem quodammodo amisisset regula directos atque continuatos, pro virili edisseram. Tar Pouianæ domus in Regno Poloniæ amplissimo, vetustatem, claritatem pro meritorum, qua pacis .

tempore, qua bellicâ tempestate præstitam patriæ magnitudinem, si quispiam suorum Conciuium se non satis perspexisse fateretur, eum ego in euoluendis Polonæ historiæ annalibus, in cōmemorandis virorum de Patria egregiè meritōrum exemplis, in referendis ex ordine prosapiæ imaginibus ac virtutibus, amplissimè ex maioribus in posteros deriuatis, hospitem & peregrinū iudicarem. Antiquissimis antiquorum Principum, domus hæc satis superque inclaruit, sinceritatis, obsequiorum, deuotionis, pro Domino, pro fide, pro Patria documentis, vt sigillatim recensere aliquos propè superuacuum habeatur. Insigne gentis Ascia est, quâ sæpius sæculi rudioris leuitatem, magnanimitate, æquitate, fortitudine, prudentiâ singulari, dedolauit complanauit. Hostium verò intempestiuus incursioni- bus tam crebro erat formidabilis, quàm graui- ter ac fortiter confertissimis vel Tartarorum ir- ruentium ibat obuiam cædibus, vel alteri cui- cunque, animis ad procumbendum paratissimis occurrebat feritati. Sed neque consiliis dome-

sticis

sticis, vnquam erat ita indiga, nunquam ita de-
stituta bonarum artium atq; disciplinarum orna-
mentis, quin Patriæ ipsæ felicissimè commo-
daret. Numerare prolixum esset, atq; ex
annalium memoria recensere, Archiepiscopos,
Castellanos, Palatinos, cæterosq; viros amplis-
simos & de Patria meritissimos, quos domus
Tarſouiana Reipublicæ vsibus suppeditabat
identidem. Hinc eis maximarum & illustrissi-
marum familiarū vincula affinitatum, hinc anti-
quissima consanguineorum in regno vel olim
vel nunc splendidissimorum ac summorum mu-
tua ornamenta & perennes prærogatiuæ. Nam
de opibus ac latifundiis longè lateq; propagatis
non est quod multum differam, aduertunt om-
nes, vel istos, qui Diuinâ gratiâ nunc vigent su-
perstites, auitis & patriciis abundare faculati-
bus, atq; diuitiis, suaque virtute, parta maio-
rum, promeritis, amplius promouere. Eiusdem
fuisse fortunæ atq; genij, qui & sortis, & gene-
ris extitisset, Perillustrem olim Pæpositum Tar-
nouensem, Canonicum Cracouiensem, Deca-
num

num Opatouienſem, earum planè virtutum, qui
bus & ſui maiores commendatiſſimi habeban-
tur, illi præfertim, qui poſt habitis vitæ ſæcularis,
quæ ditiffimos plerumque ad mundi illecebras
inuitant deliciis, ad Diuiniora, Diuinioris cultus
& ſeruitutis caſtra ſeſe tranſtulit. Qui ad illuſtrẽ
ſplendorẽ generis, virtutibus in iuuenili adhuc æ-
tate effloſcentibus. hoc addidit, vt ingreſſione
auſpicatiſſimâ vitæ ſpiritualis, hæc ipſam virtutũ
ac promeritorum ſacerdotalium, quaſi lucidiſſi-
morũ ſyderum accumularet atque diſtingueret,
chryſolitis, pyropis, gemmiſque aliis præſtantiſ-
ſimis. Sed ne vita illius digniſſimè tranſacta, à
me in conſuſo atque tumultuariè videatur me-
morata, idcirco ordini inchoato inſiſtendo, pau-
cis, annos eius teneriores, illorumque rationes,
laude verâ digniſſimas repetamus: Atque illud
cum primis fuit; quod maximo expetebat deſide-
rio, vt à tenera nimirũ & vernante ipſamet ado-
leſcentia, quam non in ætatis, vt plerique aſſo-
lent emaculantibus virtutem deliciis atque ille-
cebris, ſed in continuis pietatis exercitijs, perpe-
tuo

tuo deuotionis feruore, diligenti cultu religionis
trāfigeret infumeret. Et licet ætas hæc fragilis, ac
lubrica, cōsensu literatissimorū, tū quoque ipsius
Phænicis naturæ Aristotelis iudicio, plurimis in-
tertextis difficultatibus firmissime teneatur, ta-
men inuictum quoddam robur, imo Athlantis &
Herculis constantiam, Perillustri Prælati no-
ster, in decurrendo hocce fluctuanti curriculo
exhibuit declarauit. Transegit primam æta-
tem in rara propeque inusitatata vitæ continen-
tia, inferuentioris cuiusque impetus, animi & ala-
critatis plena victoria, in assiduo erga Deiparam
virginem cultu & ardenti ipsius nominis & ho-
noris propagatione, dum singulos prope, dies,
imo singulas horas, ac tempora, in orationibus,
votis, suspiriis perpetuis, collocaret. Et neque
solum in ætate non benè matura, ipsque annis,
quibus iuuentus facile labi, deliniri que potest,
verum etiam, ad maiorem tum iudicio tum
doctrinâ, ætatem prouectus, modum hunc
laudatissimum, & ritum homine Christiano di-
gnissimum, non tantum constanter retinuit, ve-
rum

rùm etiam, pluribus virtutum speciminibus, decorauit, ampliauit, adornauit. Porro pietatē iustitiæ fortitudinis tēperantiæ, cæterarumque virtutum ratus primarium fundamentum, in eo efficiac solidâ substructione visendum, & magnificum ædificium construebat. Sed quid ego in reuoluendis incunabulis tanti, tamque Perillustri viri, atque omniũ nostrum Mæcenatis amplissimi occupor? quid ad omne vitæ decorum conquirendum concinnatam illius, & perelegantem morum vitæque symmetriam angusto istius paginæ spacio comprehendere satago, cum in illis exactiùs enumerandis, animo me, ac oratione deficere sit veri similiùs, quam vnus vel alterius illius ætatis virtutum celsitudinem & eminentiam pro dignitate explicare. Neque satis videbatur generoso atque peraugusto pectori, benè constitutam ætatem, intra gyrum & orbitam reuolui & honesti identidem reuocare, non satis fuit, hisce tam illustribus clarescere virtutũ documentis, maius quiddam & illustriùs, animus ad summa quæque natus, iure suo æmulari ingressus videbatur.

debatur, cum prima illa ætate, in educatione domestica. primaque, vna cum tot virtutum documentis, cura & solitudine parentum suorum Perillustrium imbutus, informatus, Urbem toto Regno Principem, ampliorum studiorum atque disciplinarum gratiâ felicissimè proficiscitur. In Academia igitur, omnium disciplinarum & virtutum vnico vniuersi Regni Athæneo, omni genere scientiarum, nobilissimo emporio, animū & ingenium iustissimo tempore tradidit informandum: Namque inibi spacio aliquot annorum literis diligentissimam nauans operam, difficultates etiam, & abdita rerum Philosophicarum spinosiora, magna ex parte percepit perlustrauit. Tandem veluti ales generosior, nido natiuo iam minimè contenta, ad externos, eorum quæ mores, cultus, consuetudines, pernoscendas animi studium direxit, atque conatum efficacem: Perrexitque primū per viciniore oras & populos, hic ibi, apiculæ instar solertissimæ consistens, quo fructuosius & limpidius domesticis aluacibus

bus mellilegium introferret, atquē ibi pietatem
cū moribus, mores cū literis, literas cum insigni
prudentia, prudentiam cum debita animi mode-
ratione, solertissimè coniungens, ita peregrina-
tione colophonem imposuit, vt nunquam post-
modum in vita se, illius pæniteret. Hic ego iā
ad libellam rationis reuocari cuperem, voces il-
las inconditas ac pænè barbaras, quibuscunq̃ue
tandem proditæ sint authoribus, Regni Poloniæ
amplissimi, oras & populos, vsq̃ue adeo frigesce-
re, vt ingenia quæque, voluntatibus ex animo
ad literas incumbentibus, non satis respondeant:
Quinimo multò etiam illud iactatur insolentius,
Musas aliquando septemtrionem ingredi atten-
tantes, in finibus ipsis, frigoribus sempiternis, o-
briguisse, hæsisse, constitisse. Verùm enim uerò
vt Perillustri Prælati nostri industriam, magnā
ac penè rarā in dignoscendis rebus solertiam, in
ætate nondum consilio, aut iudicio maturiore
corroborata, sexagenariam propè maturitatem
conspexerunt, ipsa etiam maleuolentiā fatescen-
te, fa-

re, fateri compulsi sunt, etiam sub frigidopolari
axe fragrantissimos eruditionis flores, imo fru-
ctus, ex his prognatos vberrimos, identidem in
Polonia ad vsus Patriæ secundis auspiciis expe-
ctari. Nec spes eorum qui sic ratiocinabantur
fefellit ingenia, nam vbi primum ab exteris re-
gressus, lares domesticos, Perillustri Prælati no-
ster, feliciter attigerat, non multum inibi com-
moratus, totum se Reipublicæ gratiâ, in lucem
publicam extulit, suamque voluntatem prom-
ptissimam Illustrissimo olim Petro Tylicio E-
piscopo Cracouensi penitus amplius regendam
& promouendam deuouerat: vbi quam præstan-
tia magnarum virtutum specimina, quam præ-
clara pietatis & modestiæ declarauerit argumen-
ta, hoc vel vnicum atque luculentissimum fuerit
indiciu, Illustrissimum olim Antistitem, non
passum diutiùs in aulicorum suorum lectissi-
mo numero commorari sed singularia virtutum
Tarſouianarum sæpius prodita documenta, eum
tandem coronæ Perillustri venerabilis Capitu-

li Cracouiensis, veluti nouum sydus, inter cæte-
ra astra lucidissima inseruit collocauit: Tum ve-
rò ille cæpit se ipso efflorescere multò gratiosius,
vitæ sanctimonia, gratitudine, in suum Mæcena-
tem amplioribus promeritis, virtutum omnium
factis pulcherrimis, atque exemplis apud seram
posteritatem memorandis. Vidisses toto illo
tempore, palmæ instar, contra aduersa, quæque
virtuti obstantia, inuictam animi illius magnitu-
dinem enitentem, cui hoc solum verè præstans,
ingens, atque preciosum esse videbatur, quod cū
virtute, dignitate, æquitate, coniunctum clare-
fceret. Prouocabat ad certamen pulcherrimū,
studium atq; ardorem animi, virtutum congres-
sus, consociatio exoptatissima, vnaque aliam, ex-
stimulabat, non vt infesto sese mutuo iugularent
exitio, quin potius vt luce clarissimâ fulgerent.
Itaque animus ille, ad omne solidioris gloriæ fa-
stigium incitatus, æquabili moderatione aduer-
sorum tolerantiam, tolerantia, discriminum pati-
entiam, patientia æquitatem, æquitate fortitudi-

nem,

nem; fortitudine, veram inuicti animi magnitudinem armabat, comparabat. At non hic terminus adest virtutum illustrium, non hic finis, metaque heroicarum actionum, à generoso pectore prouenientium, non potest sanè non potest, vt ingens corporea moles loci angustia circumscribi, ita perangustis hisce paginarum cancellis, tanti & tam illustris viri, haud sanè potest contineri laus, atque vera prædicatio, qui toto vitæ tempore, actionibus studiosissimis, cultui pietatis, Diuinis obsequijs inseruiebat, statis temporibus operâ diligentissimâ expediendis promouendis. Cum enim Perillustis Prælatus noster, serio, multumque secum spes mundi vanas, deceptorias illecebras, omnemque sæculi lætitiâ, breui spacio torrentis instar diffluentem aduertisset, vt tanto facilius syrtes, atque Syrenes, vadaque mundi immundi præteriret, non ceratis tegumentis, vt cautus ille Ithacus, sed monente spiritu Diuino, spinis aures, contra prophanos mundani concentus, numeros & Pæanas sepiuit, oculis yelamina

timor.

timoris Dei imposuit, freno rationis. cæteros omnes sensus, omnemque impetus impotentiam adstrinxit, compescuit. Nec mora, circumcisis atque perdomitis magna ex parte istis domesticis satellitibus, viam vitæ sanctioris ex animo cõplexus, ingreditur, inque sortem & numerum vñctorum Domini, peculiari Diuinæ gratiæ bonitate, vocatur, adsciscitur. Hic verò iam exacto esset opus oratore, virtutes illius sacerdotalis, omnibus numeris absolutas, dicendo persequente, quibus nouam tunc vitā spiritus Diuinissimi continuis ordiebatur atque promouebat adiumentis: Namque eodem plane tempore, geminum consecutus beneficium, alterum Canonici Cracouiensis, alterum Decanatus Opatouiensis, in eo elaborabat quàm maximè ne beneficentissimæ vnquam, in earum cura & administratione obliuisceretur industriæ. Accepitne an reddidit accepta beneficia, multum diuque omnino posterorum disputabitur, quoties vera religio in Deum acerrimè vindicata, pietas conatu
maximo

maximo propagata, cultus Diuino honori ampli-
us promouendo dilatatus, leges sacrosanctè custe-
ditæ, supellex pretiosa, vñibus & ornamentis Ec-
clesiasticis destinata, serui altaris Dominici libe-
ralissimè, sæpius donati, commemoratione non
fucata, aliis ad imitationem inculcabuntur, cõ-
mendabuntur. In naturam propè iam conuer-
sa videbantur Perillustri Prælati vota atque de-
sideria gratificandi bono Ecclesiæ, quàm studio-
sissimè quàm decentissimè. Nec prius venit in
mentem tantamque benefici animi, hoc aut a-
liud genus ornamentorum, in qua ipse Ecclesia
Præfidem se aut Pastorem recognesceret deside-
rari quum cogitationi facilitas, impensarum lucu-
lentissimarum dicto citius responderet. Recen-
se omnia felix tanto Decano Opatouia, dinu-
mera si facile in numero habere potes, identidè
accepta atque sæpius magno animi studio, clarif-
simâque liberalitate congeminata beneficia. Diu
fortasse persimilem Decanum expectatura, desi-
deratura, multis votis nequaquam respondentibus

bus expectabis. Quod si fortè simillimum na-
cta gloriaberis, memento tamen Prælati, tuæ di-
gnitatis atque splendoris amantissimi, proque i-
pſius animæ ſalute, demiffa & venerabunda ſupre-
mo ſupplica, tantorum patronorum largitori.
Tu verò Tarnouia, patria mea cariffima, Ciui-
tas Ducum Maximorum præſtantiffima, debitæ
gratitudinis iura ſacroſancta muto atque elingui
ſilentio vnquam violabis? Primarium eſt atque
omnium preſioſiſſimum, quod Prælato tuo in ſe
Paſtor æternus regendum permiferat: Eccleſia
tua Collegiata, Eccleſia inquam quæ nuper illo
vigente ac viuente, viuaci vultu decoroque ple-
niſſima nitebat habitu, veluti ſponſa, ſponſi de-
core formoſiſſima, at nunc deſolatam incredibi-
lis dolor opprimit, luctuque ſqualet acerbò, ſuo
deſtituta Nauarcho, Paſtore, Promotore, Prote-
ctore. Ac fanè non immerito doles Tarnoui-
enſis Eccleſia, tantundem enim tu quoque quin-
imo multò fortasſe arctius teneris æternum obli-
gatiſſima perpetuis tui Prælati in rem tuam bene-
ficijs


ficijs amplissimo. Pastor enim tuus erat, in rebus tuis suauè agendis, iuribus eiusdem patrocini-
nio efficaci propugnandis, acerrimus, sacris vasis
& ornamentis ex auro purissimo, cæterisque me-
tallis comparandis maximis impensis & sumpti-
bus, conquirendis comparandis, liberalissimus,
constantissimus. At ecce pastor ille tuus, tan-
dem iam tuus esse definit, non iam vltioribus
bono tuo confouendo gratificabitur consilijs,
benignitate, præidiis. Manes contenta, vt po-
te liberalissimè munifica, gratiâ tui Prælati dita-
ta, ornata, confirmata, manseris quoque gratissi-
ma est necesse. Neque mihi modo res est cum
sacris altaribus, vasis, picturis, aut sculpturis ima-
ginum haud rarissimis, ac rebus omnino cunctis,
quæ in apparatus Ecclesiæ, cogitatione illius, &
impensis cesserant magnificis, quin potius vestrâ
alloquor Perillustres Domini dignitatem: vos
Admodum R. Prælati, cæterique omnes Dei vi-
uentis Sacerdotes & famuli obtestor, animæ tan-
ti Mæcenatis, tantique promotoris bonorum

D

Eccle-

Ecclesiæ, vt oculatissimi testes, p̃ssimis apud altissimum Intercessionibus, atque tremendis sacrificijs, Diuinæ maiestati offerendis suffragari mementote. Ad hoc enim tempus suum in vos affectum, suaque studia & beneficentiam voluit esse reseruata, istis diebus, quasi tempestati cui dam, vestrum amorem affectabat, vestram beneuolentiam sibi accumulabat, & quasi in gasophilacium congregabat certissimum. Facite vt anima illa, si iudicij inscrutabilibus Diuinis, aliquantis per in expiationibus leuissimarum etiam detinetur macularum, aut pro non deploratis factis facit vitæ suæ imperfectionibus, quibusque omnes mortalem vitam degentes sumus. benoxij, vt quântotius efficacissimè, vestro affectu erga demortuum intergerrimo, vestris precibus, vestris imò Diuinis ac sacrosanctis sacrificijs, adiuuetur, adiuta, cum Deo in felicitate eius perennet sempiterna.

D. I. X. L.




IN terra orimur, in terra morimur; reuertentes in
eam vnde sumus assumpti. Hic nobis angustus in-
troitus, mora brevis, sola mors certa. Cogitur totus
Adam iudicium portare quod meruit. Velit nolit
quantumcunque recalcitret vniuersus adhuc fert sen-
tentiam quam recepit. Terra es & in terram
ibis. D. Bern: in ferm: de S. Mart.





912/51



1059

8172

31



In Stemima Peruetustæ Domus
TARLOVIANÆ.



*Fulget Sarmatico tot sæclis Ascia Regno
Ceu lux æthereis, æmula syderibus
Ascia tot meritis, tot sacris clara tyaris
Splendet ab Andree, Tarlo decore magis
Sic patriam recreas; pete Cælos Ascia summus
Orbis splendorem cernat vt ipse tuum.*

XVII-258-III

Perillustribus & Adm. Reuerendis Dominis,
D. IOANNI TARNOWSKI,
Archidiacono Cracouiensi, Wladislaui-
ensi, Warsauiensi Canonico.

Ac

Perillustri & Admodum Reuerendo D.
D. IOANNI SKARSZOWSKI,
Canon: Cracou: Custodi Wislicensi.

Tum

Perillustri & Magnifico D. D.
SIGISMUNDO ALEXANDRO
TARLO, S. Regiæ Maiestatis Aulico
Cubiculario germano Fratri Per-
illustris pie defuncti.

Et

Admodum Reuerendo Domino
MARTINO LISKOWIC,
Omnium SS. ad Cracou: Canonico, Parocho
Olpinensi, ultimæ voluntatis, Perillustris
olim D. Executoribus dignissimis.

S V P E R S T E S F A M A.

Vltimum idcircoq; gratissimum conuentu vestro celeberrimo, tamen ex obitu Perillustris & Admodum Reuerendi olim Domini **ANDREÆ TARLO** Canonici Cracouiensis, Præpositi Ecclesiæ Collegiæ Tarnouiensis meritissimi, doloris plenissimo, voluntatis vestræ affectum & studium luculentissimè contestamini. Perillustres Admodum Reuerendi, Magnifici Domini. Quàm inclinatissimi officij promptitudinem, ac promptissimam pietatem, vix dictu est credibile quanta quamue grata in summo suo mærore, hæc ipsa domus Diuino cultui & honori munificentia maiorum amplissimè constructa; & consecrata excipit voluptate. Agunt istæ ipsæ aræ Diuinæ, & hæc lugubria peristromata vestris animis, ut pote sui luctus orbitatisq; non testibus tantum, sed etiam adiutoribus atq; socijs gratias cumulatissimas, mutique isti sacrarum ædium parietes, pro muto iam atq; exanimi Patrefamilias, verba videntur facere disertissima. Tametsi quid apud vos lapides protanto, tamque illustri Præ

lato perorare oporteat? Loquetur pro eo copiosissimè,
apud omnem posteritatis memoriam exacta ad libellam
præstantioris rationis vitæ dignitas & sanctimonia;
Loquentur confertissimæ virtutes, vitæ summa æqua-
bilitas, magnitudo animi, gentilicia, splendor magni-
ficus, genuina libertas, elemosynarum bono Ecclesiæ
amplius propagando sacrosanctæ dislinatarum; va-
rijsque locis & ingenijs applicatarum ab animo profe-
cta vera in Deum pietate inflâmato beneficentia: a-
liæque virtutes innumere, dum gratitudinis memo-
ria alicuius valoris erit inter mortales, nunquã de lau-
dibus, magni istius sacerdotis conticescet? Sigillatim
vosmet ipsos audeo compellare, testimonium veritatis
à singulis vestrum exoptando, quotus quisque enim ve-
strum *Illustr: Domini* semel aut iterum arctius in-
mutuam Prælati nostri venit notitiam & consuetudi-
nem, eodem undiqua quæ consotiatam genere ac sangui-
ne, ijsdem aut perquam finitimis colligatam maiorum
stematicibus, quin vno obtutu vnicum in illo agmen
virtutum pulcherrimarum clarissimè aduertens, illud
non dicam dinumerando percensere, sed commemo-
rando eà quæ paret dignitate valeat admirari. *Me-*
am verò tenuitatem quid tandem eo usque perduxit,